

JACOBOPA WAWQEN JUDASPA CARTAN

Kay cartaqa qellqasqa karqa punta kaq ñiñkunapa mirachisqan ñiñkunamanmi, chay-raykum kay cartaqa rikchakun Pedropa iskay kaq cartanman.

Kay cartaqa kimsa parteman rakisqam kanman:

Punta kaq partem willakun pantachikuqkunapa contranpi kunasqanmanta (1-16).

Iskay kaq parteñataqmi willakun Diospi ñiñkunapa takyanankumanta (17-23).

Kimsa kaq parteñataqmi willakun tukuykunanaq Diosta alabasqanmanta (24-25).

Cartapa qallariyninmanta

¹Jesucristo serviq hinaspa Jacobopa wawqen ñoqa Judasmi qellqamuchkaykichik Dios Taytapa kuyakuywan qayasqankunaman. Qamkunaqa Jesucristopa waqaychasqanmi kachkankichik. ²Diostam mañakuchkani llakipayakuyñinta, hawkayayta hinaspa kuyakuyta llimparinankama qosunaykichikpaq.

Llulla yachachikuqkunamanta

(2P 2:1-17)

³Kuyasqallaykuna, ancha-anchatam munarqani salvasqa kasqanchikmanta qellgamuyta. Ichaqa necesario kaptinmi ruegakupay chayraq qellqamuchkaykichik ñiñsanchikta defiendenaykichikpaq. Chay ñiñytaqa Diosmi huk kutillata qowarqanchik payllapaqña sapaqchasqakunaman. ⁴Achkaq runakunam engañowan yaykuramun, paykunamantaqa Bibliapas ñawpaqmantaraqmi rimarqa condenasqa kanankumanta. Paykunaqa Diostapas manam adorankuchu, Diosninchikpa favornintapas tikrarunku qanra vidapi purikuymanñam. Paykunaqa negankum sapallan munaychakuq Señorninchik Jesucristotapas.

⁵Yachachkaptikichikpas yuyarichiytam munachkani. Señormi horqomurqa Egiptomanta Israel runakunata hinaspa mañurachirqa Diospi mana ñiñkunata. ⁶Chaynataqmi wakin angelkunatapas Dios tutayaypi wiñaypaq cadenarurqa hatun juicio punchawpaq. Paykunaqa punta munaychakuyñinkuta mana waqaychapankum saqerurqaku *yachananku sitiotapas. ⁷Chay angelkuna hinam Sodoma llaqtapi, Gomorra llaqtapi hinaspa vecinon llaqtakunapi kaqkunapas huchapakuy-pi purirqaku, paykunaqa qaripurañam uywanakurqakupas. Paykunaqa churasqa kachkan wiñaypaq nina rawraypi castigasqa kasqankumanta yachananchikpaqmi.

⁸Chayna kachkaptinpas chay mana allin mosqoq runakunaqa huchawanraqmi qanrachanku cuerponkutapas hinaspa negankuraq atiyñiyoqkunatapas. Paykunaqa insultankuraqmi hanaq pachapi kaqkunatapas. ⁹Angelkunata ka-

Miguelmi diablowan pelearqa Moisespa cuerponmanta, chaywanpas payqa diablo-taqa manam ñakarqachu, payqa nirqa: “Señoryá qaqchasunki” nispallam. ¹⁰Chay runakunam ichaqa mana reqsisqankunatapaspas ñakaykarinku. Animalkuna hina entiendesqallankupim munasqankuta ruranku kikinkupa mana allinninkupapaq.

¹¹iImaynaraq kanqaku! Paykunaqariki Cainpa rurasqantam qatipakuchkanku. Qollqeraykum Balaam hina pantarunku hinaspa Core hina wañurunku mana kasukusqankurayku. ¹²Paykunaqa convidoqkichiktapas qanranchanmi, qamkunawan kuska mikuspankupas mana penqarikuspam mikunku. Mana allin michiq hinam kikillankuta cuidakunku. Wayrapa maymanpas apasqan mana yakuyoq puyu hinam paykunaqa. Paykunaqa kachkan chirawpi mana ruruyoq sapinmanta pilasqa sacha hina iskaykama wañusqam. ¹³Lamar qocha *olaspan pusoqarichkaq hinaraqmi paykunapaqa penqakuynipas sutilla kachkan. Yanqa puriq lucerokuna hina kasqankuraykum wiñaypaq tutayayman wischusqa kanqaku.

¹⁴Paykunamantam Adanpa qanchis kaq miraynin Enocpas Diospa revelasqanta willakurqa:

—Qawaychik, Señormi hamuchkan wara-waranqantin akllasqankunawan.

¹⁵Payqa hamuchkan llapallanta juzganapaqmi hinaspa payta llapallan mana adoraqkunata mana agradaqnin rurasqankumantawan, paypa contranpi mana allin rimasqankumanta qaqchananapaqmi —nispa.

¹⁶Paykunaqa pipapas qepanpi rimaspankum quejallapi purinku kikillankupa mana allin munasqankuman hina. Paykunaqa hatun tukurusparaqmi rimankupas hinaspa runakunata alabanku imatapaspas paykunamanta horqorunankupaq.

Iñiqkunaman imam kunakusqanmanta

¹⁷Kuyasqallaykuna, yuyariychikyá Señorninchik Jesucristopa *apostolninkunapa ñawpaqmantaraq kayna nisusqaykichikta. ¹⁸Paykunam nisurqankichik:

—Qepa punchawkunatam hamunqa burlakuqkuna, Diosta mana adoraqkuna hinam munasqallankupi kawsanqaku —nispa.

¹⁹Paykunam apaykamun rakinakuyta, kay pachallapaq kasqankuraykum mana espirituyoq kachkanku.

²⁰Kuyasqallaykuna, qamkunayá ichaqa wiñaychik suma-sumaq iñiyniki-chikpi, Diostayá mañakuychik Chuya Espiritupa yanapakuyninwan. ²¹Diospa kuyakuyninpiyá waqaychakuychik Señorninchik Jesucristopa wiñay kawsaypaq kuyapayakuyninta suyastin.

²²Iskayrayaqkunata convencechuychik. ²³Wakinkunata ninamanta salvaychik, wakintañataq imantapas harkaspa kuyapayaychik hinaspa pusamuychik Señorman, ichaqa amayá huchamanqa aysachikuychikchu, aswanqa qanra pachata millakuchkaq hinayá cheqniyachik huchakunataqa.

Cartapa tukuyinmanta

²⁴Sapallan salvaqninchik Diosmi atiyinwan cuidasunkichik huchaman mana wichikunaykichikpaq, payllam mana huchayoqta qayllanman kuisqata chaya-chisunkichik. ²⁵Señorninchik Jesucristontakamayá Diosta nisunchik:

—Alabaykikum, qamqa ancha-ancha atipayniyoqmi hinaspa kallpayoqmi kanki wiña-wiñaymanta hinaspa kunanmanta wiñaykama —nispa. Amen.